

**Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisissaat (Aggersarneqariataarsinnaanermut atatillugu akeqanngitsumik biileqartitaaneq, suliffeqarfinnik killilimmik akileraartussaataasunik allannguneq, akuersissutinik piginneqataassutinik nalikilliliineq, siunissami misissueqqaarnermut aningaasartuutissanut atugassanik akuersissutinik piginneqataassutit ilaannik akilersillugit tunniussineq, avataaneersunut kommunit akileraarfissat aamma tamakkiisumik akileraarteqartitsinermut aaqqissuussineq kiisalu iluanaarutisiaqartitsinermi malittarisassanik erseqqissaaneq)**

**§ 1**

Aningaasarsianit akileraarutit pillugit Inatsisartut inatsisaanni nr. 12, 2. November 2006-imeersumi, kingullermik Inatsisartut inatsisaatigut nr. 3, 30. november 2009-meersukkut allanngortinneqartumi, makkua allanngortinneqarput:

1. Inatsimmi "Kalaallit Nunaanni atortussiassat aatsitassanit pisut il.il. pillugit inatsit"-mik allassimasut tamarmik allanngortinneqassapput imatut "Aatsitassat pillugit ingerlatallu tamatumunnga pingaarutillit pillugit Inatsisartut inatsisaat"

2. § 19-imi imm. 9-tut ilanngunneqassaaq:

"Imm. 9. Biilit imm. 5-imi taaneqartut atorlugit angerlarsimaffiup suliffeqarfullu akornanni biilernerit akileraartussaataasup namminerisamik atuinerattut isigineqanngillat, sulisitsisup aggersarneqariataarsinnaanermut atatillugu taamatut biilernissaq akileraartussaataasumut allaganngorlugu piumasaqaatigisimappagu."

3. § 22, imm. 1-imi "Selskabit il.il." kingornanut ilanngunneqassaaq "§ 1, imm. 1, nr. 3-14 malillugu tamakkiisumik akileraartussaataasut, imaluunniit § 2 malillugu killilimmik akileraartussaataasut".

4. § 22, b-tut nutaamik ilanngunneqassaaq:

"§ 22 b. § 22-mi malittarisassat apeqqutaatinnagit misissueqqaarnermut, misissueqqissaarnermut

imaluunniit aatsitassanik iluaqutiginninnermut akuersissutit pissarsiarineqarnerinut aningaasartuutit, aatsitassat pillugit ingerlatallu tamatumunnga pingaarutillit pillugit Inatsisartut inatsisaat naapertorlugu, tamatumani aalajangersakkami malittarisassat malillugit, nalikillilerneqassapput.

*Imm. 2.* Akuersissutit ataasiakkaat imaluunniit akuersissutip ilaannaa tamaasa immikkoortillugit immikkut nalikillileriffigineqartassapput.

*Imm.3.* Akuersissut ilaannaaluunniit tunineqarpat, ukiumi tunisiffiusumi tunineqartut nalikilliliivigineqarsinnaanngilaq.

*Imm.4.* Pissarsinnermi naliusoq ukiumut amerlaqatigiiaartunik nalikilliliivigineqartassaaq .

Misissueqqaarnissamut, misissueqqissaarnissamut imaluunniit kulbrintinik iluaqutiginninnissamut akuersissutit ukiuni qulini nalikilliliivigineqartassapput, misissueqqaarnissamut, misissueqqissaarnissamut imaluunniit aatsitassanik iluaqutiginninnissamut akuersissutit ukiuni sisamani nalikilliliissutigineqartassallutik. Akuersissummik pissarsisoqarpat, pissarsiarineqarneraniit imm. 2-mi piffissarititaasoq sivikinneruppat pissarsiarineraniit akigitinneqarsimasup piffissarititaasup sinneruttup iluani ukiumut assigiiamik nalikilliliisoqartassaaq. Nalikilliliineq ukiumi aningaasarsiorfiusumi akuersissummik tamatumaluunniit ilaanik pissarsiffiusumi aallartinneqassaaq.

*Imm. 5.* Akuersissut taassumaluunniit ilaa pissarsiarineqarnerani akiusumit nalikilliliivigineqanngitsumit annertunerusumik akilersillugu tunineqarpat, iluanaarutaasoq ukiumi tunineqarfigisaani akileraarutaasussanik isertitanut ilanngunneqassaaq.

*Imm. 6.* Akuersissut taassumaluunniit ilaa pissarsiarineqarnerani akiusumit nalikilliliivigineqanngitsumit annikinnerusumik akilersillugu tunineqarpat, amigartoorutaasoq ukiumi tunineqarfigisaani akileraarutaasussanik isertitanit ilanngaaticineqassaaq.

*Imm. 7. § 24, imm. 1, nr. 1* naapertorlugu misissueqqaarnernik, misissueqqissaarnernik imaluunniit aatsitassanik iluaqutiginninnermik nalikilliliinerit pillugit erseqqinnerusumik malittarisassanik Naalakkersuisut aalajangersaasinnaapput.

**5. § 58-ip kingornanut kapitali 6-ilu** sioqqullugu kapitalitut nutaatut ilanngunneqassaaq:

#### **“Kapitali 5 a.**

##### *Allanngwineq allallu*

**§ 58 a,** Suliffeqarfik § 2, imm. 2-mi taaneqartoq killilimmik akileraartussaataitaasoq aktieselskabimut anpartsselskabimulluunniit, Kalaallit Nunaanni nalunaarsugaasumut, allanngortinneqarpat tunineqarpalluunniit, aktieselskabi anpartsselskabilluunniit suliffeqarfiup killilimmik akileraartussaataitaasup akileraartarnermut tunngatillugu killiffigisaaniit ingerlaqqissinnaavoq. Suliffeqarfimmili killilimmik akileraartussaataitaasumi, § 22, imm. 2-mi annertussutsinit taaneqartunit annikinnerusumik nalikilliliineqarsimappat, suliffeqarfiup killilimmik akileraartussaataitaasup nalikillilerinnermi killiffigisaa appartinneqassaaq, suliffeqarfiup killilimmik akileraartussaataitaasup pigisaasa § 22, imm. 2-mi taaneqartunik annertussutsit naapertorlugit appartinneqarsinnaasimasaraluannut. Naalakkersuisut, Naalakkersuisulluunniit tamatumunnga pisinnaatitaat, aalajangersakkami oqaaseqatigiit siulliit tulliini aalajangersakkanut tunngatillugu tamakkiisumik ilaannaasumilluunniit immikkut akuersissuteqarsinnaapput, pissutsit immikkut ittut tamanna pisariaqartippassuk.

*Imm. 2.* Akileraartarnermut tunngatillugu ingerlaqqiinnarnissamut piumasaqaataavoq aktieselskabip anpartssekabilluunniit suliffeqarfiup killilimmik akileraartussaataitaasup pisuussutininik pigisai tamakkerlugit pigilissagai, tamatumani aamma suliffeqarfittut ingerlateqqinneqartutut isumaqatigiissuteqarfigisimasanut, pisortani oqartussanut allanullu pisinnaatitaalluni

pisussaaffeqarlunilluunniit.

*Imm. 3, Aammattaaq piumasaqaatit imaattut naammassineqarsimassallutik:*

1) Naalakkersuisut akuersisummik tunisineq, aatsitassat pillugit ingerlatallu tamatumunga pingaarutillit pillugit Inatisartut inatsisaanni aalajangersakkat malillugit akuersissutigereersimassavaat.

2) Allannguinermit tunisinermiluunniit pigisat akiligassallu, suliffeqarfimmut killilimmik akileraartussaataasumut § 2, imm. 2 malillugu tunngatinneqarsinnaasut ilaatinneqassapput pigisallu akiligassallu taamaattuinnaat pineqarlutik.

3) Selskabip ingerlaqqittup allannguinerup tunineqarnerulluunniit aalajangiiffigineqarneraniit ullut 30-t qaangiutsinnagit akileraaruseriffik allannguinermit tunineqarnermilluunniit ilisimatitsissuteqarfignissavaa selskabillu ingerlaqqittup nalunaarsugaaneranut imaluunniit Erhvervs- og Selskabsstyrelsemi nalunaarsorneqarnissaanut nalunaarutigineqarsimaneranut uppersaasatit nassiullugit.

4) Akileraarutit ingerlatsineq pillugu Inatsisartut inatsisaanni § 16, imm. 3-mi piffissaliussaq apeqqutaatinnagu kingusinnerpaamik allannguinerup tunineqarnerulluunniit aalajangiiffigineqarneraniit ullut 90-it qaangiunneranni pisariaqartitsineq naapertorlugu suliffeqarfimmut killeqartumik akileraartussaataasumut nammineerluni nalunaarsukkamik nassiussineqassaaq. Suliffeqarfup killilimmik akileraartussatitaasup nalinginnaasumik ukiup aningaasarsiorfusup naaneraniit allannguinerup tunineqarnerulluunniit ulluanut isertitanik akileraarutaasussanik naatsorsuinermit isertitat, piffissaq tamaat atorineqassaaq, piffissap pineqartup qanoq sivisutiginerapeqqutaatinnagu. Akileraarutaasussanik annertussusiliineq pissaaq suliffeqarfimmut killilimmik akileraartussaataasumik allannguinermut tunineqarneranulluunniit atatillugu atorunnaarneq apeqqutaatinnagu. Selskabip ingerlaqqittup pisussaaffigaa oqaaseqatigiit aappaanni taaneqartumik piffissamut nammineerluni nalunaarummik tunniussissalluni. Selskabip ingerlaqqittup akileraarutit akiligassajunnarsinnaasut akisussaaffigai aammalu akiliisitsinernut sunulluunniit akisussaasuulluni, inatsimmi matumani aalajangersakkat tunngavigalugit, suliffeqarfimmut killilimmik akileraartussaataasumut piumasarineqarsinnaasunut akiliisussaasuvoq. Selskabi ingerlaqqittoq, suliffeqarfik killilimmik akileraartussaataasooq paarlallugu, akileraaruserinermik ingerlatsineq pillugu Inatsisartut inatsisaanni § 27, imm. 5 naapertorlugu akileraaruseriffik, tapisianik akileraarutaavallaarsimasunillu piumasaqarfigisinnaavaa.

5) Suliffeqarfik killilimmik akileraartussaataasooq akileraarutinut, akitsuutinut allanilluunniit pisortanut akiligassanik kinguaattooruteqassanngilaq, aammalu allanngornerup tunineqarnerulluunniit ulluanit ullut 90-it sinnerlugit ukiumi aningaasarsiorfusumi siulii pillugit pisariaqartumik nammineerluni nalunaarsukkamik tunniussineqarsimassalluni.

*Imm. 4. Imm. 1-mi taaneqartut allannguinermit tunineqarnermulluunniit atatillugu uppersaasatit nassiussarnissamut aammalu uppersaasatit taamaattut nassiunneqarnissaannut piffissaliussamik erseqqinnerusumik malittarisassanik Naalakkersuisut aalajangersaasinnaapput.*

**§ 58 b.** Pigisat nalillit akiligassallu allannguinermit tunineqarnermulluunniit atatillugu pissarsiarineqartut selskabip isertitanik akileraaruteqaataasussanik naatsorsuinermit, suliffeqarfup killilimmik akileraartussaataasup piffissami aningaasarsiorfusumi selskabimit pissarsiarineqarsimasutut, pissarsiarineqarnerannilu, pigisat nalillit akiligassallu suliffeqarfimmut killilimmik akileraartussaataasumit pissarsiarineqarsimaneranni akiusunik pissarsiarineqarsimasutut isigineqassapput. Akileraarnermit nalikillilerisinnaanerit suliffeqarfimmut killilimmik akileraartussaataasumit naammassineqarsimasut, selskabimit ukiumi aningaasarsiorfusumi pineqartumi naammassineqartutut isigineqarput, taamatullu §§ 16-18-mi aalajangersakkat naapertorlugit annaasaqaatinik iluanaarutinilluunniit naatsorsuineq

suliffeqarfiup killilimmik akileraartussaataitaasup pissarsiarineranni akiliutigisimasai tunngavigalugit naatsorsorneqassallutik.

*Imm. 2.* Pigisat nalillit akiligassallu suliffeqarfimmit killilimmik akileraartussaataitaasup iluanaarniapiluutigalugit pissarsiniutigaluguluunniit pissarsiarisimasai, selskabip ingerlaqqittup isertitanik akileraaruteqaataasussanik naatsorsuinermi selskabimit taassuminnga iluanaarniapiluutigalugu pissarsiniutigaluguluunniit pissarsiarineqarsimasutut suliarineqassapput. Allanguinermi tunineqarnermiluunniit pigisat nalillit akiligassalluunniit suliffeqarfimmiit killilimmik akileraartussaataitaasumiit selskabimut ingerlaqqittumut nuussimanerat, selskabip ingerlaqqittup isertitaanik akileraaruteqaataasussanik naatsorsuinermi pigisat nalillit akiligassallu iluanaarniapiluutigalugit pissarsiniarnermiluunniit pissarsiarineqarsimasutut isigineqarsinnaanerannut ajoqutaanngilaq.

*Imm.3.* suliffeqarfiup killilimmik akileraartussaataitaasup isertitanik akileraarutaasussanik naatsorsuinermini pappiaqqanik aningaasanik nalilinnit iluanaarutit annaasaqaatilluunniit suli piviusunngortinneqanngitsut ilanngussimappagit, pappiaqqat aningaasanik nalillit selskabip ingerlaqqittup isertitaanik akileraaruteqaataasussanik naatsorsuinermi iluanaarutit amigartoorutillu ilanngunneqarsimasutut isigineqassapput.

*Imm.4.* Pigisanik nalilinnik akiligassanillu, selskabip ingerlaqqittup suliffeqarfimmit killilimmik akileraartussaataitaasumit pissarsiarisimanngisaanik akileraartarnermut tunngatillugu suliaqarnek, allanguinerup tunineqarnerulluunniit kingunerisaanik allanguuteqassanngilaq, pigisat nalillit akiligassallu allanguinermi tunisinermiluunniit pissarsiarineqarsimasutut uppersarsarneqarsinnaasut selskabip ingerlaqqittup naatsorsuutaani aammalu akileraartarnermut naatsorsuusiani immikkut inissitatut takuneqarsinnaappata. Taamaanngippat killilimmik akileraartussaataitaasumut imaluunniit selskabimut ingerlaqqittumut atuuttuusunik malittarisassat pigisanut nalilinnut akiligassanullu tunngatillugu atorneqassanersut akileraaruseriffiup aalajangissavaa.

**§ 58 c,** Aatsitassat pillugit ingerlatallu tamatumunnga pingaarteqartut pillugit Inatsisartut inatsisaat naapertorlugu atortussiassanik aatsitassanik pisunik misissueqqaarnermut misissueqqissaarnermulluunniit akuersissut tamatumaluunniit ilaa, pisisup akuersissutip pisiarineranut atatillugu atortussiassanik aatsitassanik pisunik misissueqqaarnermut misissueqqissaarnermulluunniit aningaasartuutit akilerlugit pisiarippagu, tunisisup isertitat akileraarutaasussanik naatsorsorneranni akiliut ilanngutinngitsoorsinnaavaa, piumasaqaatit makkua naammassineqarsimappata:

1) Akiliutigineqartoq tassaappat tunisisup misissueqqaarnermut imaluunniit misissueqqissaarnermut siunissami aningaasartuutigisassaanit isumaqatigiissuteqarnikkut aalajangeriikkamik annertussuseqartumik akileeqataassummik, isumaqatigiissuteqarnerup kingornagut ukiut tunisaqartup isertitaqarfigisaasa ukiut tallimassaata qaangiutsinnagu, akiliuteqarpat. Aningaasartuutitut akileeqataassut annertunerpaaffissarititaasumut annertunerpaaffeqartinneqarsinnaavoq.

2) Aningaasartuutit tamarmik suliffeqarfimmut aningaasartuuteqartumut ingerlatsinermi aningaasartuutitut ilanngaatineqarsinnaapput.

*Imm. 2.* Imm. 1-imi aalajangersagaq selskabit suliffeqarfissuup aaqqissuussaanerani, § 36 a, imm. 4 aamma 5 naapertorlugit, attaveqartuusut akornanni tunisinerni atuutinngilaq.

*Imm.3.* Imm, 1 nr .1-imi oqaatigineqartumik piffissaliunneqartoq akileraaruseriffiup ukiut pingasut tungaannut sivitsorsinnaavaa oqaatigineqarsinnaappat attaveqartitsinermi imaluunniit pinngortitami pissutsinik patsiseqartumik isumaqatigiissut piffissami aalajangigaasumi naammassineqarsinnaanngitsoq.

*Imm. 4. Imm. 1-imi taaneqartup saniatigut akissarsiat pisiffigineqartup isertitaanik akileraaruteqaataasussanik naatsorsuinermini ilanngunneqassapput.*

*Imm.5. Pisisup imm. 1-imi taaneqartumik akiliutip ilaa, imm. 1, nr. 1-imi, takuuk imm. 3, oqaatigineqartumik piffissaliunneqartup qaangiutereernerani akilerpagu, pisiffigineqartup akiliutip ilaa akilerneqartoq taanna, ukiumi akiliutissap ilaata piffissaliunneqartup qaangiutereernerani akilerneqarnissaanik paasinniffiusumi, isertitanit akileraarutaasussanik naatsorsorneranni ilanngutissavaa, kingusinnerpaamilli ukiumi aningaasarsiorfiup piffissaliunneqartup naaffigisaani.”*

*6. § 66, imm. 1, oqaaseqatigiit siulliit, imatut oqaasertaqartinneqassapput:*

*”Imm. 1. § 1, imm. 1, nr. 1-imi aamma 2, imm. 2-mi, aammalu § 2, imm. 1, nr. 1, 3, 4, 5, 6, 17, aamma imm. 5, oqaaseqatigiinni siulliit tulliini oqaatigineqartut inuit akileraartussaataasutut taaneqartuni isertitat akileraarusigassat tassaapput isertitat akileraaruteqaataasussat inummumut ilanngaammik ilanngarneqareersimasut, tak. § 67, isertitat koruunit 100-mik agguarneqarsinnaasunut ammut akunnaallineqarsimasut.”*

*7. § 68, imm. 2, imatut oqaasertaqartinneqassaaq:*

*”Imm. 2. Akileraaruseriffik kommunitut akileraarfittut isigineqassaaq, imaattoqartillugu:*

*1) Imm. 1-imi oqaatigineqartunik attaveqarneq tassa sumiiffimmumut kommunit aggornerisa avataanni inissisimasumut attaveqarneq.*

*2) Akileraartussaataasooq aatsitassat pillugit ingerlatallu tamatumunnga pingaaruteqartut pillugit Inatsisartut inatsisaat naapertorlugu akuersisummik tunineqarsimappat,*

*3) Akileraartussaataasooq misissueqqaarnermut misissueqqissaarnermullu akuersisummik tunineqarsimappat taamaallaallu suliffeqarfimmik ingerlatsilluni aatsitassat pillugit ingerlatallu tamatumunnga pingaaruteqartut pillugit Inatsisartut inatsisaat naapertorlugu akuersissutip kingunerisaanik,*

*4) Akileraartussaataasooq § 32, imm. 3-mi pineqartunut ilaappat,*

*5) Akileraartussaataasooq sermip erngullu avammumut nioqqutissatut atorineqarnissaat pillugu Inatsisartut inatsisaat naapertorlugu akuersisummik tunineqarsimappat,*

*6) Akileraartussaataasooq misissueqqaarnissamut misissueqqissaarnissamullu akuersisummik tunineqarsimappat taamaallaallu sermip erngullu avammumut nioqqutissatut atorineqarnissaat pillugu Inatsisartut inatsisaat naapertorlugu akuersissutip kingunerisaanik suliffeqarfimmik ingerlatsilluni,*

*7) Inuk atorfeqartitaanermi atatillugu ingerlatani sulianik, sanaartornermi sulianik aammalu ikkussuinermini ivertiterinermini illoqarfiit nunaqarfillu piusut avataanni sanaartornermi suliaqartoq, atorfeqartuusoq qaammatip siuliini kingullerni arfinilinni nunami maani kommunimut akileraartussaasimanngippat, imaluunniit*

*8) Inuk nr. 2-4-mi pineqartumik akileraartussaataasumi atorfeqartitaasooq atorfeqartitaasorlu qaammatip siuliini arfinilinni kingullerni nunami maanni kommunimut akileraartussaasimanani.”*

*8. § 72-ip kingornagut ilanngunneqassaaq:*

*“§ 72 a, Inuit § 68, imm. 2, nr. 7 naapertorlugu akileraartussaataasut atorfeqartitaanermi atatillugu ingerlatani sulianik, sanaartornermi sulianik aammalu ikkussuinermini ivertiterinermini illoqarfiit nunaqarfillu piusut avataanni sanaartornermi suliaqartut, aammalu qaammatip siuliini arfinilinni kingullerni nunami maani kommunimut akileraartussaataasimanngitsut, atorfeqartitaanermi aningaasarsiaminnit Nunatta karsianut 35 procentimik inaarutaasumik akileraassapput (tamakkiisumik akileraarut). Aningaasarsianit ilanngaateqartoqarsinnaanngilaq, tamatumani aamma ukiuni siusinnerusuni*

anigaasarsiorfiusuni amigartoorutini, taamatulli § 4, imm. 2, aamma § 4 e atorineqarsinnaanatik.

Anigaasarsiat pissarsiarinerannut, qulakkeerneqarnerannut aammalu ingerlaannarnissaannut anigaasartuutit akileraartussaataasumi anigaasarsianut allanut ilanngaatineqarsinnaanngillat. Anigaasarsianit pissarsiarineqartunut tunngatillugu akileraartussaataaneq inaarutaasumik naammassineqassaaq akileraarutinit akiliutaasutigut.

*Imm. 2.* Atorfeqartitaanermi anigaasarsiat, imm.1 naapertorlugu, A-tut B-tulli anigaasarsiaapput, pensioninut inunermullu sillimasiissutinit aqqissuussinernut akiliutit, § 39, § 40 imaluunniit § 43-mi aalajangersakkani pineqartut, ilaatinneqanngiinnarlutik.

*Imm. 3.* Imm. 1-mi aalajangersagaq atuutissanngilaq, inuk peqatigitillugu anigaasarsianik A-nik allanik isertitaqarpat, Kalaallit Nunaanni akileraarutaasussanik.

*Imm. 4.* Inuk imm. 1-mi taaneqartoq, imm. 3 naapertorlugu atorfeqartitaanermi anigaasarsiat saniatigut isertitaqarpat, taakkua saniatigut isertitat inatsisip matuma aalajangersagarisai allat malillugit akileraaruserneqassapput.

*Imm. 5.* Inuup ukiumi anigaasarsiorfiusumi akileraarutaasussanik isertitai tamarmiusut, imm. 1-mi aalajangersakkat malillugit 50 procentii amerlanerusulluunniit akileraaruserneqarpata, § 4 d, imm. 2-mi aamma § 4 e-mi aalajangersakkat atorineqassanngillat.

**§ 72 b.** Inuit akileraartussaataasut atorfeqartitaanerminnut atatillugu annertunerpaamik suliaassanik, aatsitassat pillugit ingerlatallu tamatumunnga pingaarteqartut pillugit Inatsisartut Inatsisaat naapertorlugu misissueqqaarnermut, misissueqqissaarnermut imaluunniit aatsittassanik iluaqutiginninnermut attuumassuteqartunik, aalajangersimasuunerusunik suliaqartut, qaammatillu siuliini qaamatini arfinilinni nunami maani kommunimut akileraartussaataasimanngitsut, atorfeqartitaanermi akissarsiat 35%-iinik, nunatta karsianut inaarutaasumik akileraartassapput (tamakkiisumik akileraarutit). Anigaasarsianit ukiuni anigaasarsiorfiusuni siusinnerusunig amigartoorutini ilanngaateqartoqarsinnaanngilaq, taamatutaaq § 4 d, imm. 2, aamma § 4 e, atorineqassanatik. Anigaasarsiat akissarsiarineqartartut pissarsiarinerannut, qulakkeerneqarnerannut ingerlaannarnissaannullu anigaasartuutit akileraartussatitaasup allatigut anigaasarsianit ilanngaatineqarsinnaanngillat. Atorfeqarnermi anigaasarsiarisartakkanut tunngatillugu akileraartussaataaneq inaarutaasumik naammassineqassaaq akileraarutinit akiliutini akilersinneqartutigut.

*Imm. 2.* § 72, imm. 2-5-mi aalajangersakkat taamatulli atorineqassapput.

**9.** § 76, imm. 2, oqaaseqatigiit siulliit tulliini, "akileraarutit A-nik" kingornatigut ilanngunneqassaaq, "takuulli § 72 a, imm. 1 aamma 2 aammalu § 72 b"

**10.** § 79, imm. 2, oqaaseqatigiinni siullerni "akileraarutiniq unerartitsineqalersinnagu"-p kingornanut ilanngunneqassaaq: "takuulli § 72 a, imm. 1 aamma 2, aammalu § 72 b".

**11.** § 79, imm. 4-mi "§§ 61-64", kingornanut ilanngunneqassaaq, § 72 a, imm. 1 aamma § 72 b, imm. 1".

**12.** § 86, imm. 4, imatut oqaasertalerneqassaaq:

*"Imm. 4.* Akileraarutit iluanaarutisianit tamarmiusunit naatsorsorneqassapput. Taamaattorli selskabi, aatsitassat pillugit ingerlatallu tamatumunnga pingaarutillit pillugit Inatsisartut inatsisaat naapertorlugu misissueqqaarnissamut, misissuinissamut imaluunniit piiannissamut akuersissummik nalunaarfigineqarsimasooq, akileraarutissanik naatsorsuineri, selskabip iluanaarutisianik agguuassaaq akileraaruserneqartut, selskabip iluanaarutiniq agguuassat ilanngaatigitinnagit akileraaruteqaataasussanik sinneqartoorutaannit, amerlanerusutaat ilanngaatigisinnaavaat.

Oqaaseqatigiit aappaanni taaneqartunik ilanngaati aningaasarsianit akileraarutit pillugit inatsimmi § 27, imm. 1 naapertorlugu aningaasarsianik akileraaruteqaataasussanik naatsorsuinermit ilanngaatigineqarsinnaanngillat.”

## § 2.

Inatsisartut inatsisaat atuutilissaaq ulloq 1. December 2010, takuulli imm. 2 aamma 3.

*Imm. 2. § 1, nr. 2-6 ukiumi aningaasarsiorfusumit 2010-miit atuutilissapput.*

*Imm. 3. § 1, nr. 7-11 ukiumi aningaasarsiorfusumit 2011-miit atuutilissapput.*

*Kalaallit Nunaanni Namminersorlutik Oqartussat, ulloq 18. november 2010*

Kuupik Kleist

/

Palle Christiansen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut